


長樂縣志

地 310.27
34
:2

地
310.27
34



長樂縣志卷之一

知長樂縣事安成賀世駿



封域志

星野 風俗

沿革 輿地

形勝 山川

立國必相山川非徒誇形勢也均道里正疆界相陰陽而觀流泉以物土宜而布其利皆於是焉在長濱海隸於閩古為揚州地馬江環於雉堞首石上插青霄五馬騰驤三峰聳峙雖原豐新寧迤異其名而幅員所畫猶然古侯甸國也惟是地多斥鹵不盡可耕民生其閒多以揚舠鼓楫為業港汊島嶼閒不無萑苻之患則重煩當事者之善

縣志

卷之一 封域

防護耳志封域

星野

氣候 附

長屬揚州其次為星紀其宿為牛其辰為丑 爾雅星紀者牽牛斗斗婺女三星也史記天官書前漢天文志皆云閩屬牽牛婺女之分 後漢郡國志云自斗十一度至婺女七度日星紀之次於辰為丑謂之赤奮若於律為黃鐘斗建在子為吳越分野屬揚州 晉天文志自南斗十二度至須女七度為星紀須女即婺女也 隋志亦以為屬斗牛須女之分 唐天文志云東南負海為星紀負海者以其雲漢之陰也又云

南斗牽牛星紀也又云南斗在雲漢下流當淮海間爲吳分牽牛女去南河寔遠自豫章迄會稽逾嶺徼爲越分 宋史天文志天市垣二十二星東西藩各列十一星其東垣南第六星曰吳越亦爲星紀之次 元史歷志云斗四度三十六分六十六秒取入吳越分爲星紀之次 明天文志分野以福建郡縣並屬斗牛之分又一統志以爲屬牛女之分以占驗考之 史記天官書元光元狩越之亡熒惑守斗是時閩越徙民江淮則斗有驗 唐書天文志景福元年十一月有星孛於斗牛占曰越有自立者其時王潮起於閩中則

桑縣志

卷之一

星野

二

斗牛又有驗

以度數詳之 魏陳卓云會稽入牛一度唐僧一行以會稽嶺表閩中爲牽牛越分蓋牽牛跨浙粵閩三省閩九郡西屆樵川西北盡柘浦東抵長溪而清漳襟當嶺南距會稽不上數百里今據星經云周天之數每一度轄地一千四百六里有奇卽謂九閩咸隸會稽牛一度也可

氣候 長邑右依山左環海故春多北風秋少西風凡五穀草木果實之生熟邑西連閩屬者較府治遲一候至邑東則漸遲一氣矣當天氣晴明幻成海市蜃樓海濱人時望見之夏

秋閒每多颶風莊子所謂扶搖羊角是也具四至而旋轉故

曰颶風此風將起先有海嘯俗名海中周環數畝無風浪湧

聲騰閣邑南從御國山旁起上至梅花止嘯時則有破篷其

形如霓僅出半截名曰颶母嘯止不出三日其風必作風將

息則自北而南仍止於御國山旁風將大則從梅花直過北

交且至浙江溫州界故傍海之民皆以占風信焉凡有海嘯

則魚蝦鯨鱷無不遁跡此長邑所以無水怪也或云此嘯原

屬東巖寺止沙石鎮在海濱里隋唐閒有神僧以錫卓而驅

之入海又云在於路旁有鄉宦往來寺中碍時常作嘯則揚

樂縣志 卷之一 星野 三

沙塞岸故天寶閒南交沙合海壅成田則長邑陸地皆此石

之所造也語近荒唐然東海揚塵之說似亦有徵姑存之以

待識者邑人陳永書海嘯贊繫何物在陸則止沙在水則揚

沙豈開元以前東海無塵皆爾為之捍禦抑天寶以

後南交忽合悉爾之所增加嗟嗟有異焉南從御國北至梅

花一區震動百里誼譁排雲日蕩煙霞翻螺蛤走魚蝦驅長

鯨于島外竄巨鱷于天涯護千村錦繡培萬井

桑麻永作吳航之保障用以凝川嶽之精華

沿革 表附

長邑僻處海濱唐虞夏商統屬揚州周秦漢皆曰閩唐天寶閒
乃有長樂之稱猶郡也至武德中易新寧之地於今所而長
樂縣之名遂從此昉晉天福閒雖升為府改為安昌旋復其

舊比宋抵

國朝直相沿千年舊志謂不被兵且恒得歲信哉若相傳吳王夫差造舟於此曰吳航姑存之不為據也為考其同異溯其源委擇其簡要為表以標之

歷代省

郡

縣

唐

揚州

虞

揚州

夏

揚州

商

揚州

梁縣志

卷之一

沿革

四

周

七閩地

成王封熊繹於楚其子孫分為七種故曰七閩

秦取百越之地置此

秦

閩中郡

秦取百越之地置此

漢

閩越國

高帝封騶無諸於閩

越國武帝遷其民於江淮閒餘民自立為治縣閩有縣始此

吳永興

三國

建安郡

吳永興

晉

揚州部

惠帝時置屬江州刺

晉安郡

原豐縣

史太康分建安郡為晉安郡俱隸揚

州部建安之縣七
晉安之縣八一日
原豐

南朝

江州

晉安郡 宋明帝泰始四年改
晉平郡 尋復故

隋

建安郡

大業開統
晉安為建

安郡領縣四一日

閩縣即原豐地

閩縣

唐

江南東道

天寶初置

長樂郡

天寶初改屬江南東

長樂縣

武德中析閩縣為新

道長樂之名始此

寧縣在今十二都古縣尋改名長樂上元初防禦使董玠以其地早濕移

樂縣志

卷之一

沿革

五

五代

福州

梁時王審知據此

長樂府

晉天福間改此

長樂縣

晉天福間改長樂為

安昌尋復舊名

宋

福建路

雍熙初置

福州

屬福建路

長樂縣

屬福州

元

福建行省

至元間置

福州路

至元間改屬福建行

長樂縣

屬福州

明

福建布政使司

洪武

福州府

初改

長樂縣

屬福州

初置福建行中書省尋改為福建承宣布政使司

國朝因之

形勝

長邑前揖平原後負崇崗滄海環其左雙江拱其右首石一山
高出霄漢六平五馬旋遶絡繹二十四都連阡度陌相爲營
衛所以風氣完密地勢雄壯雖東南之邊疆實閩省之名邑

也明邑人王恭吳航勝覽詩無諸故國新寧縣西控雄藩古
侯甸文物遙通漢職方河山舊入秦封建霸氣榮光幾百
秋卉衣椎髻遍中州清朝禮樂彌寰宇比屋絃歌稱魯鄒六
平遠樹烟中出百里清輝趣非一一片滄波海嶼秋千門霽
色扶桑白滄波東逝浩悠悠憶得英雄駐彩舟御國龍歸何
處在太常雲去至今愁伸蒙巖頭桂香晚中丞石上苔花滿
陳迹空餘野鳥飛英聲不逐浮雲散我侯遠抱連城壁僚佐
相輝應籍籍近郭行春露冕時古臺下馬彈琴夕風流星客

樂縣志

卷之一

形勝

六

龍門士揮霍雙毫寄深意都將勝覽紀方輿更喜賢侯重民
事高棟詩閩府超雄望吳航儼綴旒關山皆北向瀛海際東
浮襟帶連甌粵盤迴接斗牛六平開縣治百里古諸侯茂宰
仙鳧裔郎官帝命優下車先博訪稽乘卽良遊川岳開圖畫
風煙入唱酬馬江徵素練鶴嶺走蒼虬塔掛南山月琴橫首
石秋絃歌亭上合天地宇中留岱巘龜麟秀薇峰紫翠稠天
將文筆寫雲傍太常收蘇澗空中瀑巖湖鏡裡舟伸蒙巖樹
古董奉杏林幽百仞凌霄磴三溪近海流孤標瞻御國絕島
辨琉球望遠形神豁登高物象周以之施政教允矣濟剛柔
桃李成華屋桑麻蔭綠疇幕曹延范邳僚佐得崔仇坐嘯風
前席行春日映輶傾心懸北闕馳譽溢南州自笑
丹青老仍叨甫掖儔摘文陪勝覽繹思贊嘉猷

風俗

長樂由延建溪湍而下泉興潮漲而上至是適平民生其閒其
性舒其志强其習勤儉冠帶衣履襍他邑中望而知爲長樂

人以其朴也市無雕巧之工鄉有再熟之稻山巔谷隈引泉
植禾罔有棄壤上之糾盜有法則戶外無閉讌會廉嗇不辭
固陋士大夫家咸以禮法自持男勤耕讀女務紡績族黨親
朋不論貧富貴賤一體相待少者或侮其長則衆皆咻之家
雖貧傭工負販各自營生不願爲徒役有女子不願爲人側
室蓋廉耻之心重也前有服毒械鬪錮婢蕩賭諸弊時爲嚴
禁其風自息亦易治者也

餘詳
叢談

輿地 山 峰 巖 石 洞 江 潭 井 泉 灣

潮汐

長之地東抵海灣西抵閩縣界南抵福清界北隔江抵閩縣嘉

樂縣志

卷之一

輿地

七

登里界東西橫四十五里南北縱一百里鄉分南北縣治居
其中邑西由五竹浦沿山北至浮崎嶺長閩分界碑五十里
折而東沿江至梅花四十里由梅花而南沿海至磁灣二十
里由磁灣而西陸路至縣治三十五里此北鄉地輿也邑西
陸路南至石尤嶺福清界五十里折而東沿山至松下五十
里由松下而北沿海至東山四十里由東山陸路西北至縣
治三十里此南鄉地輿也縣東門北轉至梅花四十五里東
南至壺井港尾洽嶼三灣屬南北二鄉中界各一十五里至
東山漳坂二灣三十里至壠下四十五里至小社五十里至

大社五十五里至松下六十里入閩縣界曰五竹洋嶼半野
籌崎交福清界曰小社松下上下橫店北鄉各灣岸至東沙
水洋約一百二十里南鄉各灣岸至東沙水洋一百三四十
里不等城西水道下洞至省城大橋水洋一百二十里上洞
至大橋水洋一百二十五里城西小船過江歷營前渡又過
烏龍江至省城陸路八十里總計通邑西南負山東北環海
幅員亦甚狹矣宋蔣之奇云全閩八郡長樂爲冠非以地言
也

山

樂縣志

卷之一 山

八

首石山在縣北巔有石巋然高出二十餘丈上廣數十步中有
竅泉四顧見水又名四水石識云首石山鳴出大魁明永樂
壬辰鳴戊戌再鳴馬鐸李騏連應焉嘉靖閒知縣何應和勒
狀元峰步雲梯六字於石邑中將兩望首石雲封不復覩石
則雨至矣崇禎戊寅九月旱知縣夏允彝禱雨立應建永豐
寺以祀山神寺在山腰其基固平土也漱土肇寺有石巋起
不偏不倚適立寺之中象首石形象共異之

寺別有記

山徑之旁

有巨石允彝題曰凝雲有泉出巨石下湛湛然允彝題曰浣

俗明邑人劉則和詩峻嶒首石鬱蒼青未數南山與六平自古地靈英傑出高崗宜有鳳來鳴知縣王渙詩巍巍高哉

首石山突然秀出羣峰表六平以下皆俯迎雙江西來自環
遶穹宇空青近可摩滄溟渾噩遙惟渺雲際難為華嶽高眼
前只覺邱陵小廼知鍾秀非偶然鳴時端為鬼元兆我來登
覽問山靈此去瀛洲路多少須臾心曠神亦怡拂拭蒼崖坐
芳草掀髯喟爾發清嘯萬斛塵懷盡傾倒便欲乘風跨紫鸞
飄飄直上蓬萊島擬探月窟躡天根咲看乾坤幾時老知縣
詹萊詩屢從春山遊值此春山曉吾儕二三人憑高寄遐眺
仰與雲霞親俯覺宇宙小几席澗泉流巾舄掛蘿葛鳥鳴谷
響空日霽江路了滄波沒天際輕烟結林杪燕山旣漫漫越
水亦森森鄉心逐去雲遠日隨歸鳥牛山悲已愚甫田思徒
擾且盡盈觴酒庶以慰繚繞
○首石疑雲為十二景之一

六平山在縣北形勢六折平坦故名山勢與四明山相連中有
小有天如有天作鱗洞朝陽洞龍潭萬松嶺諸勝明陳幼溪
少司馬省陳憲副所立種松建寺刻石題記知縣夏允彝

樂縣志 卷之一 山

靈泉觀於龍潭之上以祀龍神觀別有記夏允彝小有天記云邑治之東有樓亭翼然蔭

雙榕之下枕泉流之上者陳幼溪少司馬園也榕大可數十
圍拂雲凌霄瑟瑟烟杳嘗隱曦月泉自小有天來穿漱亂石
聲沸山壑撫石臨泉枕漱咸適余題為枕漱軒記其實也緣
泉稍北即城闈泉咽石門中頽激霏散為聲益殷出門百步
有廟以祀汾陽王郭近已墮余新之汾陽戰功在北未嘗履
閩相傳倭逼安昌有神驅之遁昭著靈跡衆知為王也當不
妄由此山徑漸高泉自高注下勢愈湏激居民以運輪舂碓
聲若桔槔數十連注原田幽谷為震少司馬築寺於巖名曰
初有洞天前尹鄭月菴增建後宇做闔足棲自洞天小折石
益壯泉急不得流益怒鳴山徑險側大石磊磊立道旁目不
給賞由徑而東為龍潭少司馬築小室以望潭題為太清真
境潭深不測曾泉自懸崖疊注激湍頽雲澎轟之音令人神
悸遙瞻素沫飛灑又令人心骨蒼涼也有石刻曰小黃庭石
之後有小室一帶今已圯余竊靈泉觀于其址祀龍神焉或
歲之不為將以致禱惠吾民年也旁祠少司馬以報開山功
將擇僧居之為置鐘鼓與泉聲相應循觀而上徑險夷雜出

古木大石相間峙立以引游客之倦趾不半里卽爲如有洞天如有之境萃諸山之勝寺之門有石倚立若蟠桃司馬題爲蟠桃石入門有小方塘兩引泉注之涓涓四溢不竭八公水無以勝也有石名鹿屏蓋如屏云司馬築菴爲如有菴憲副敬貽刻石於前記闕菴種樹之始洞天有二曰朝陽曰作鱗洞天之中可容數十人幽邃闇密暑月恒寒所謂雲客宅心者也洞天之上爲小樓竹木交陰枝葉拂牖蘭蕙盛時吹風送馨樓後有臺曰覺臺可坐數人高梧蔭之拂塵所也出山則老松萬株龍鱗肅肅微風鼓之濤響浮空泉聲爲奪大石蔭松下參差立不絕余題曰萬松嶺爲安昌第一觀可也梅竹閒出香草綿亘琴歌其閒足忘世矣松徑將盡仰望高巖方削若城壘若層樓疑不可階者卽小有洞天也林藿綿濛似非人境然虎狼之跡素不臻此若有神司之循巖而行初不見徑有斷峽黝然可百丈背峽而望則內外兩江連山千疊可一望收晴且遙矚省城隱隱可指江水縈帶如組外江兩山合抱如門余題曰江山全覽良巨觀矣峽之左則洞天斯在萬鈞巨石若倚而下一石承之人穿石下俯而得達乃睹徑通遂躋斯山之巔少司馬構寺其上余題曰介全寺

茲巖之高爲羣峰最諸泉所自發也高而不峭故人托焉清而不孤故不絕流自余來邑飲泉多矣奚敢云介自履茲山悟余以善全故題寺以識司馬公教余也夏子曰余吏安昌將三年見羣峰連雲愧不識其處日低首几席閒事他不遑也偶入省城林得山語余以閩風特煥冬季桃爛開當一觀余駭爲欺我得山曰安昌將無桃耶余歸視衙齋則桃已華畦畦在余恒坐軒前余不及覩也小有洞天之趾穿城而入曲折僅四里已極其勝余固未之聞也門人鄭疇叔來寓司馬園中余時相過從見雙榕泉石之勝爲一開心疇叔語余洞天之奇邃乃攝衣登馬蓋由是而往安昌之民賦無逋訟無囂人可引爲山中之侶余亦得爲斯山遊客矣雖然小有洞天之勝甲安昌非司馬公剪葛盪蕪剔泉滌峰山不顯也山顯於一邑未聞于天下余將聞之以報司馬山靈其許我歟助我築觀者爲陳生所守雲翼是爲司馬之賢子孫并記邑人陳省記凡邑郊以外必有高原茂林幽築奇構足備歲時遊眺之所而吾邑獨闕余於是有小有天之築丁丑九月落成司寇環浦鄭公至自陽夏余乃戒僕夫具蔬酌先重九三日奉公遊焉至則徜徉四顧南望馬江東望三台西望六

平諸峰蒼翠峭崛綺綰繡聯乃指余居在芝山之下公自指其居在江流蜿蜒之間忻忻如也取酒而酌酌半酣穿石門聽流泉因尋所謂小有天者相與盤桓其中俛仰今昔尚論之恍若侍九十之老於淇澳而聞其交傲也夫山以境勝境以人勝陶之廬山范之百原其流峙豈異哉平泉金谷鞠在草莽者東西南北可勝紀耶余與公以古道交於今之世而相勉爲君子邑之人登山而望指公之居又指余之居而有羨於時且流焉則余之築雖無墜茨丹雘之麗連房旋室嫵軒離檐之侈亦庶幾稱樂邑之觀矣邑人述昔時從觀音溪而上林木蔽虧其時邑東文獻稱盛而有感於余之自爲築也不以勞其鄉人嗟乎余與公不知猶及見其松栢竹木之茂如昔時爲邑人庇乎不知數世之後吾之孫子有增而廓之完而美之不忍見其廢乎又不知有如公之齒德皆懋偕其主人如余者遊而樂之樂而記之乎因請公大書公諾而題諸石曰洞天山斗堂曰採芝深處寓意遠矣茲築也余數日一至焉而追隨先輩舒嘯於其上者自公始也王恭歌海上羣峰屹相向六平秀出羣峰上絕巘飛泉掛薜蘿遙天落日開平嶂華頂雲歸見大荒鴻濛元氣帶滄桑清輝迢迢近

樂縣志

卷之一

山

士

觀德空翠依微接太常百里人家花外靜數椽僧舍竹邊涼石林蘿逕行人少藥院茅亭絕紛擾遠澗秋聲鶴夢寒遙巖夜月猿聲小鬢宮才子日登臨踏閣攀林契賞清興來揮灑蘭亭筆柿葉淋漓醉墨深谷口驪駒動行色送君遠赴金門客功成早賦歸去來重拂橫琴苔上石高棟詩閩關西來入紫冥三山東走浮大瀛迴峰際海結飛翠玉削青天開六平六平崢嶸何壯哉六平芙蓉如掌開九華五老讓光彩三峰二室爭崔嵬我疑十洲仙島負奇勝巨鼇別駕移蓬萊紫微文筆左右立龜麟太常前後揖馬江一道瀉空回鶴嶺千重决雲入榮光佳氣鬱鄜闐鱗次參差萬家邑何年作邑此山阿此地繁華竟若何窈窕千門桃與李春風百里滿絃歌吳航渡口花如霧首石雲飛帶宮樹漏鼓長隨般若鐘仙舟盡入瀛洲路人物風流幾廢興江山陳跡古今情茫茫天地四方宇浩浩乾坤一草亭君不見六平山上月昔炤六平山下人六平山色長不改明月炤人今幾春我向今人問千古今日吳航古鄒魯黃童聚舞皓叟歌共道賢人宰吾土郎官政靜心自閒愛人愛物并愛山興來携我二三子登高遠望窮躋攀我生放浪在林藪幸際明時將白首縣官有德不忍欺

帝力無為我何有日陪鞍馬縱遐觀弔古興懷但呼酒酒酣
再拜獻長謠先祝堯天萬歲壽然後紀公事業在巉巖名與
六平之山長不朽李騏詩七閩勝槩天下聞六平山水尤絕
倫幽人別構在其下蒲庭花木含清芬幽人於我同鄉曲磊
落襟懷邁流俗不隨猗頓富金珠却羨鄴侯書萬軸蕭然一
室坐垂帷談詩三百解人頤鈞簾綠草侵書案捲幔羣峰落
硯池余時在泮多休暇攬秀探奇亦瀟酒烹茶時汲九溪泉
對酒傍觀古人畫西上金臺共別家幾年旅食向京華峩冠
束帶承恩厚渭樹江雲入夢賒曲江古蹟依然在踵武聯芳
尚千載晝錦還家自有期六平精舍生光彩李叔玉詩九日
秋高日尚炎六平山水聳遐瞻喜茲洛社賓門集愛此林泉
吏隱兼濯熱忽臨東澗曲登高直造首山尖菊花燦爛盈頭
挿綦綦離披裹手拈張旭三杯開一笑太邱二子奮雙髯廣
文磊落襟懷爽學士風流酒令嚴石鼎聯詩茶共啜瓦爐煮
酒火頻添不須君子調冰水安得佳人露玉纖鶴唳千巖秋
霧薄松號萬壑晚風恬樽前丹桂飄金粟石上蒼藤掛素蟾
此會明年誰最健勝遊今日我何厭從教月色隨人影不覺
涼飈墜帽檐記取六平同賞處老夫應合學陶潛國朝鄭

樂縣志

卷之一 山

三

純禮小有洞天詩辜負名山已有年空餘形勝絕江天洞門
一線風煙合崖壁千尋薜荔懸此日黃花還送酒深秋紅葉
正鋪毡同人呼我登高
去步履飄飄與欲仙

四明山在縣西北屹然如削高列四峰有井泉清冽

石臺山其峰曰松石

宋蔣之奇詩晚向津亭泊畫船忽聞佳處
在雲烟松根化作千年石山寺蒸為一澗

泉祖意共看亭下栢禪交同結社中蓮明朝輿笋還躋嶺聊
借僧房一覺眠知縣蕭竑詩滄波水上嶺崔嵬中有幽亭向
水開草色直連天色遠風聲長送浪聲來雲收山脚雞圍見
潮滿航頭舫艇回咫尺市塵塵不到檻前幽鳥自毳毼

南山在縣南半里宋孝子鄒異廬墓於此有芝草甘露之瑞

登高山在縣西南半里與南山相對

五馬山在縣南五峰並列狀如奔馬

龍臺山在縣西北半里有石臺宋紹興閒龍爪樹騰去故名

金雞山在縣西北一里巋然如金雞之昂立

龜息山在縣北一里形如龜宿

蔣之奇詩界道金繩直中為釋子家棟飛雲外瀑山積海邊沙

紫翠林巒活丹髹殿宇奢閒因問來意僧指佛桑花知縣閱希聲別有詩

芝山在縣治東石巖中有觀音像像後產芝故名

明邑人李騏詩東山六曲

屏峰下祇樹深沉舊蘭若施食臺前芝草香繙經席上甘泉瀉我昔逃禪于此山上人飛錫上方還香床說法天花落丈室懸燈水月閒榻來精舍東溪裏垂帷永日聞流水四壁烟蘿雨外青六時鐘梵雲中起盍簪乘暇更登臨共愛雲堂花木深莫道空門俱是幻片時清淨即禪心

三峰山在縣南三峰竝峙巔有塔基

樂縣志

卷之一 山

半占山在二都

戲崎山在二都

翁山在二都下有方圓二井

阜山在二都

岱邊山在三都山左巔有巨石高十餘丈狀如龜名龜山右有

石似麒麟名麟山中有鼎潭其泉清冽旱禱輒應宋秘監陳

宋霖家其下

明里人卓爾鼎潭詩神物深藏古鼎津桃花洞口薜蘿春皇家已密求賢網不道理光尚有人

嵩山在四都

今敏山在四都中有清水潭上午出雲下午輒降雨下午出雲

三日內降雨 明邑人謝杰別有詩

牛壘山在四都其山最高四面小山環抱中有田百餘畝

三山在四都尖秀如筆架

屏風山在四都三山之西狀如屏風

郎官山在五都界連福清縣

七巖山在五都上有七巖自牛壘與三山屏風諸山相接在四

五都閒環羅如城故俗名其地曰羅城明里人陳應春標羅

山十景曰七巖星纏曰三山筆格曰御屏端聳曰雙澗考槃

曰馬峰吐月曰牛壘撐雲曰蓮墩鍾秀曰羅石障流曰青巖

樂縣志 卷之一 山

十四

樵隱曰雪灘釣閒 陳應春記七巖在羅山為最高有巨石七

脉左而旋為御屏屹立嶄嶄如展襜褕而駐如擁騶從而下

其吾鄉中陽之大宗乎御屏折而西三峰削秀若筆格者曰

三山又折而西北有山轟轟上撐雲霄者曰牛隴七巖右蟠

數里為馬峰為青巖馬峰東峙月懸其上娟娟湛湛疑山吐

納青巖近北負大崙之麓後聳而張前伏而踞林樾蒼潤可

樵可隱自七巖而下為雙澗泉出石竇中瀏瀏作聲若琴若

篁竿已瀉出于兩崖之間分流而下若雙龍爭布雲雨潺湲

滂渤聲應山谷旁一古菴頗幽闐余少年卒業處也有道者

倦勤而休此可以觀龍戰而悟虧成澗流十餘里支而為溪

滙而為潭崑然石壁橫障狂瀾堪輿家以為羅星石也宜縮

水口又其下為瀨溪兩山東流諸石齒錯旋瀨噴濤飛若白

雪故稱雪灘深處多潛魚可釣由御屏而下蜿蜒六七里頓

黃崙穿綠田突為小阜若覆蓮俗呼為蓮花墩不佞敝廬世

居其下出戶而望遠近之山爭獻奇秀晴容含青雨色擁翠

不俟指呼儼若次第排闥而入令人翛然有澄太空而包萬

象之思合而名之曰羅山十景云三山筆格詩誰削三峰秀

天然筆格成管城唐學士秘閣魯諸生定有龍蛇動寧無風
雨驚中山毛穎在應草太玄經邑人林尚志雙澗庵詩翠壁
晴嵐曉氣澄臨川高閣興來凭天涯尊酒何人醉屋外雲山
此日登好鳥迎春偏勸客空林向晚不逢僧扁舟要覓漁郎
去誰道桃源隔武陵林彥安詩迢迢青蓮界幽映雲巖側潭
影天鏡寒庭陰古苔黑登臨送飛鳥舒嘯忘日夕願結蓮社
遊相期紫霞客鄭定歌覽古登高邱秋空遍遐望雲歸天宇
澄物態紛萬象飛亭控雙流瀾道奉蘿上追歡企昔人雅作
諧古唱豈無黃花情聊復效元亮長歌有秦聲屢舞亦豪宕
醉來信忘形萬事齊得喪林暝晚瀟瀟氣酣春盎盎題詩記
曾遊為我謝曼嶂○七
巖星繞為十二景之一

溪湄山在五都有溪湄十美曰嘆頭石曰筆架山曰寶山雲曰
珠湖月曰文筆峰曰石澗泉曰龍津釣曰馬嶺樵曰南陽耕

曰西崙牧

六樂縣志

卷之一山

五

石牛山在六都有石如牛卧中有月窟池

瓢窟山在六都中有化龍石潭水四時不竭

明邑人陳文沛詩石闔層層似躡階

薜蘿深處半封苔松蟠古洞千章合泉沁平池一鑑開幾度
雲雷龍化去數灣蒼翠鶴歸來振衣直向江頭立海國茫茫
絕點
埃

天馬山在六都中有槐峰獅崙山

白巖山在六都上有白雲洞

嵐乾山在六都中有桃源洞三台石又有石船

邑人陳文沛桃源洞詩二首別

見

○陳時範桃源洞詩巖扉澗牖鎖烟霞天啓神仙一大家

洞躡倥佯雲外跡樹移度索嶺頭花泠泠紺瀑分瓢窟
耿耿文星掛石崖出谷時乘白鹿去春風袖裏棗如瓜其二
簪星佩月慣餐霞白鶴玄猿總一家極塢灣環藏藥徑幽巖

迤邐背桃花詩成勒石依雲際酒欲流觴借
水涯盡破蒼苔無俗迹春來亦種邵平瓜

栢山在七都山多栢故名中有當陽寺寺後有釣鼈石

宋蘇舜

石詩未窮雙佛刹先到一漁家山雨已殘葉溪風猶落花汲泉沙脉動敲火石痕斜應是任公子竹閒曾煮茶

屏山在八都有石如豸舊名豸山高與天池埒絕頂有井渾成

曰天龍井禱雨輒應

知縣戴永樸別有記

下為三溪朱紫陽到此勒溪

山第一四字有紫陽閣朝元觀九仙洞歸愚洞搏紗潭

昔人以搏

紗測之不至其底故名

有破石潭

嘗有女汲水為蛟所吞忽雷擊石破蛟死而女屍見故名明邑人陳省陳

文沛別有詩陳省歸愚洞詩不必尋仙路山林懷抱開歸愚愚豈是明哲蚤歸來其二入門無限徑歸宿道應同顏子雖明睿如愚一徑通又豸山三溪歌三溪發源玉融山匯于茲地之溪閒南東中兮三迴折形分鼎足流潺湲半嶺長僅二

長樂縣志

卷之一

六

三里高低百丈懸不止中多巨石立嶺岈奔流激石伏且起
怒如驚雷白晝鳴響如絃管雜金聲瀉如瀑布下巖壑滙如
池沼波迴縈清潭更在溪深處於中云是龍潛踞時時煙霧
起瀾漫旱禱甘霖俱有據溪頭諸山更鬱葱當陽豸石尤夸
雄縱無崔嵬插空勢層巒疊嶂交龍從禪林仙洞看相倚紫
陽閣在朝元裏建旂卓筆勢縱橫蝌蚪遺文稱具美予也山
水與頗長茲勝况近桑梓鄉縱觀三橋及諸潭須臾又上溪
頭山魚龍如驚遊展起雲霞待我襟祥烟靉靄隸引行杖君不
沉瀆東南遙蕩漾薰風披拂吹我襟祥烟靉靄隸引行杖君不
見山不在高仙則靈水不在深龍則名賢豪多鍾山水秀山
水亦藉賢豪生方今宇內太和滿巖壑英才多獻款此中佳
氣夸氣氲拔茅連茹期非緩他日如重到此遊願看賢哲售
琳瑯人愈顯兮山愈重三溪之名應千秋嗚呼三溪之名應
千秋詩玉融巖壑水溪裏滙續紛恠石棊形布流泉鼎足分
烟雲終日起雷雨四時聞欲盡無窮態前賢有勒文又詩水
羨三溪好山尤勝景多頂如圓釜覆石似衆星羅卓筆斗堪
貫揚旌凱可歌地靈頻產杰前哲盡魏科又紫陽閣詩萬山
飛翠映簷阿過壁烟嵐濕薜羅地俯滄溟分沆瀣閣低霄漢

接星河紫陽過化留遺跡髦士披風飲太和不必更論仙佛
事吾儒名教樂應多又溪山第一棹楔詩但來朱子此棲遲
已是溪山第一奇棹楔存公何必論登臨誰不景行
思又別有朝元觀詩○屏嶂鋪霞爲十二景之一

鼎峰山在八都

阮山在八都

桃坑山在九都

福湖山在十都有梯雲石獅子峰朱文公嘗遊其上勒魁龍二
字

五峰山在十都唐大中年創龍泉寺於五峰之下五峰曰仙冠
曰貴品曰蓮花曰雲梯曰卧牛皆以形名峰頂有巨石峭立

長樂縣志

卷之一

七

數仞里人狀元鄭性之勒雲梯二字山之麓有巨石朱文公

嘗遊其上勒朝陽二字又有中丞石

明里人陳國樞別有中丞石朝陽石詩蔣奕芳

卧牛峰詩芒神久喜謝牽纏露地由來不記年聲斷杏花春
雨外夢閒秋草夕陽邊雲生碧澗迷空跡月上孤峰炤穩眠
借問牧童何處在鶴林深曲蔚藍天葉有祿卧牛詩朝朝蹄
角浸烟霞千尺峰頭聽法華大地山河同受記石牛也解踏
蓮花仙冠峰詩青牛人去奈將何空有玄冠掛薜蘿若向此
中尋法象野花烟草正婆娑貴品石詩清姿本自出天然又
傍招提聽法筵香繞山魂凝紫氣磬敲石髓出瓊泉蓮花峰
詩寶珠網裏懸明月白玉階前布赤沙摸得自心真種子峰
頭無日不開花雲梯峰詩丹崖百丈倚天寒歲久苔封着脚
難鍊得凡身輕似鶴仙風吹送白龍壇○五峰嵐橫爲十二
景之一

魁龍山在十都巔有三石極巨狀如三台朱文公勒魁龍二大

字與福湖山魁龍字別旁有文筆石紗帽石銀錠石又有烏石及犁壁洞

石馬山在十都有石如馬伏道旁

董峰山在十一都相傳為董奉煉丹之處一統志云上嘗有神

人裸身散髮人見之必獲福又名福山有仙人舊蹟尙在其

巖曰董巖

明郡人林鴻詩吾嘗慕康樂愛入名山遊名山不易得何必談瀛洲董峰高峩峩仙子居上頭白鶴

去不返黃茅翳丹邱下接渤海流上接白雲浮陰壁耀海日寒枝掛獼猴幽尋豈不遠逸興隨去留仙人來可期空山春

復秋

定山在十一都巔頭如葫蘆倒地形取有定靜之義故名其峰

長樂縣志

卷之一 山

六

曰龜峰有巨石如龜昔人勒化龍豹變四字側有清公巖唐

僧智清得道於此勒石像在石頂葫蘆洞深不知其底相傳

與潮汐往來東曰三司塘有鐵石一名魁石屹立海濱高數

丈巉峭聳拔狀似魁星有石牀仙跡有止潮石有烏字石為

北壩巨鎮前人勒記其上

赤嶼山在十一都產美瓜

洽嶼山在十一都其山總一石鄉民依居其下

福州裏山在十一都其巖曰聚星里人提刑張紳勒聚星二字

又曰燕巖有巨石如燕頷故名

天池山在十二都頂有水區雨不加盈旱不加涸其清徹底

紗帽山在十二都巒阜圓淨如冠帽故名 陳省詩 別見

柯林山在十三都宋光祿大夫鄭洙居其下

鶴山在十三都有三峰並峙曰豹頭曰天馬曰翠微三峰形勝

為一方之冠中有白龍潭唐時置白龍院又名白龍巖又有

瀑布泉梯巖決雲而下又有紫微峰與翠微峰相對 昔有紫微生居

其上山下有鯉魚墩首向瀑布泉有承流仰吸之狀 龍潭曉瀑為十

二景之一

鴻山在十四都長邑南北兩鄉鴻山卓然中立狀如鴻故名旁

長樂縣志 卷之一 山 九

有紅鼇山

屏山在十四都雙髻文筆東西相連自南望之狀如列屏

御笏山在十四都有二石灣曲如笏今僅存其一遠觀儼如人

執笏朝天

鼓角山在十四都二石形如鼓角

牛山在十五都方圍三里許東南為海沙所壓係都之官山上

皆義冢

斜頭山在十五都

藍田山在十六都

五雲山在十七都

仙山在十七都上有仙人跡

冠峰山在十七都巔有石如賢冠昔人刻冠峰二字

聖娘山在十七都

上有天妃宮故名

壺井山在十八都有一井在山之陔狀如壺鹹潮往來潮退其

水復淡上有巖石聳峻俯臨滄海名百丈巖又有笏石鯉魚

石鼓石王母臺蓮花峰浴鴉池皆昔人題詠處

前邑人高棟詩并記壺山

樂邑之極處也當邑之東為大海山倚海濱湧出空波遠視若青螺予生四十有六年每聞茲山多奇產海物錯出居民鮮少皆逐逐於舟車魚鹽之末未嘗有顯者聞竊意其幽閒寂寞之濱閒必有精神聚處獨無能發其秘者豈天設而地

長樂縣志

卷之一

山

三

藏未見遭其人乎洪武乙亥余叔氏張伯清讀書山中屢要余以刻棹之期莫秋十日余訪舊嶼南去壺山只隔一水越五日既望宗人翼宇中行者好文士也資舟載酒領余來遊時樵川朱以義亦與焉東魯生馮璵扶病偕行有友十人自塘頭發舟值風潮不便泊棹于洽嶼攜酒登岸展酌於天妃祠下臨大江望壺山若在几席天風飄蕩浪花飛舞舟子吹洞簫歌水調余亦倚歌而和之諸客從而賡歌互答舉觴勸酬劇飲無算不知身在人間樂也斯須風恬汐退沙洲斥望若千里舟人漁榜出沒於其間余情益肆遂扶醉跣行泥淖中可一里以抵壺山東魯生病不能從寄留於野人家餘客亦稍稍引歸從余者五人焉於是履巉巖披藜莽造張叔讀書處諸生出與成禮中行復洗殘樽飲於鼇峰石上以觀大海時日已夕輕雲翳空月影微霽由鼇峰石左行周山之一遭下臨江岸觀所謂壺公井者井有二泉出石罅閒味皆清冽若人咸飲之俗呼為壺井山是夜張叔復置酒於主人館余亦不勝杯矣相與枕藉而卧及覺雞已呶喔余賦近體詩以寓興遲明返於洽嶼之野人家東魯生亦賦詩二篇見贈因留共飯然後由洽嶼步歸於嶼南東魯生日今日之遊無

讓古昔龍門子既首倡諸人不可無繼余慚向之辭不逮興未足以張斯遊之大乃作而曰遊哉遊哉無徒遊者哉彼昔人之窮搜遠覽賦景興懷如郎官漢陂洞庭赤壁之雄者曾幾何人况吾儕衣冠文翰遭際清朝而得寄興江山忘情軒冕如斯樂者又幾何時不有合作劉崖記之豈直貽笑於山靈亦何以慶茲山之有遭矣遂以孟浩然衆山遥對酒孤嶼共題詩之句分韻余探得共字詩成再撰次以爲記詩碧海有奇觀壺山天際浮客遊造窮髮秋興生遠流况以同心人俱懷謝公趣揚帆入天色攜酒坐花巖長風吹愁開弄景見蓬萊塵波幾清淺安可不傾盃乘醉涉芳洲探幽入靈境上攀鼇頂石下憩壺公井我心如飛鴻飄飄凌素空回頭呼數子長咲不能從十載懸賞情一夕清塵夢道意雙白鷗幽期永相共里人林德詩瓊瑤重疊盈千尺形勢崔峩如削壁巖頭舉手可摘星長嘯一聲天上立 ○國朝林司

訓安原標十景曰沙堤橫玉曰壺井流瓊曰鼇峰駕海曰笏

石當潮曰懸崖聳壑曰治水環襟曰草堂滄露曰蓮阜凝烟

長樂縣志

卷之一山

三

曰仙槎泛月曰石鼓驚天

詩俱別見 國朝進士林瓊 藜亦標十景詩賦俱別見

靈峰山在十九都其山靈秀中有十二奇曰望海亭曰水樂堂

曰曾公巖曰香爐峰曰獅子石曰歸雲洞曰半月池曰望月

亭曰佛祖巖曰羅漢臺曰天池山曰品字池中有靈峰寺其

麓曰龍龕山里人常見龍乘雲故名一曰天池山以上有石

池大旱不涸也

宋知縣袁正規別有望海亭詩邑人陳壽詩 亦別見 ○林通望海亭詩亭占鼇頭勢轉豪

亭前滄海浪紋滔三千塵世觀纖掌百萬鼇聲出怒濤簷應碎光啣日炤船飄橫陣矗雲高回看好筆留題後賡和先貽製錦刀梁春暉詩百川皆赴海一望總茫然信是難爲水何因又變田於中還有國此外更無天亭上空惆悵乘槎幾日旋蔣之奇歌我來靈峰望滄海夜半起坐望海亭沉沉水面正陰黑六龍啣日猶未平須臾陽谷光氣發五色變恠不可

名洪濤洶湧九鼎沸蛟蜃伏匿魚龍驚金鴉騰翥若木末煙
消霧散天下明狂風喧豨簸巨浪猶似百面雷鼓鳴崩騰蕩
沃傾五岳麟鬣磨碎鯨與鵬嘈哦忽駭陵谷變雪山千仞天
際橫飄飄番舶隨上下出沒僅若水上萍忽然風霽萬籟息
金斗熨帖一練平碧波湛湛千萬頃參錯島嶼如杯罌三江
五湖亦甚大視此乃類蹄中泓琉球佛齊日本國隱隱微見
烟林青三山歷歷亦可數突兀下有鼇頭撐惜哉秦王不到
此勞心徒欲求長生我雖流落江海獨此寄寓亦可矜行
當結茅練金液以待九轉靈丹成仙飛羽化會有日直跨三
島梯青瞑他年故人或相問請來訪我於蓬瀛宋陳之邵香
爐峰詩一峰嶒嶒倚中天遙望香爐勢突然春煖蘇紋留玉
篆曉晴雲氣散清烟松添翠影敬僧刹花送餘香到客船占
得海山幽勝景不須廬阜獨推先陳毅歸雲洞詩雲道無心
亦愛山雨餘時向此中還而今天下焦枯甚只恐飛龍未放
閒又陳之邵詩造化剗成莫計年龍歸雲影暗巖巔紅塵不
到三千界紫府遙通第一天避世昔因棲野客留名無處問
羣仙小橋橋下寒泉美更與山僧種白蓮明陳省天池山詩
天池屬南溟山巔何得值江田多名岑曰茲最奇異仰止未

長樂縣志

卷之一

山

三

及登晨興圖必企路峻荒且濡僕夫心魂悸靈曜已昆吾方
得卸車跋巖嶷天可捫團圞地鼎置深尚儉湯盤清泉終古
漬中有小儵遊母乃龍蛇類武夷天鑑池半山斧鑿治豈若
巉巖端渾然感沸積山下出泉蒙山上泉出瑞更欣眼界寬
一望滄溟備海風自北來祛我塵寰累帝座想不遙思騁雲
螭轡從遊皆玉樹已挈清觴遲藉草酌巨觥醺然得幽致羲
御欲虞淵川嶽攬其概來盤朝陽峭去下夕陽墜突坐曾公
巖弭節靈峰寺舉杯咸慶予茲遊元不易晴明卜遊期風雨
中途至縱或陟高層亦多雲霧闕四美公得之人傑地靈萃
聞言一撫掌深詫歡娛遂歸去不知疲重遊還有冀宋郡人
陳襄靈峰寺詩天柱支南極蓬山壓巨鼇雲崩石道險潮落
海門高客館聞鼉鼓秋風憶蟹螯憑欄望鄉樹千里楚江臯
知縣董淵運判湛俞俱詩別見里人陳毓賢三首之一隔歲
幽情未一歡穿雲踏月到禪關疎鐘靜話消塵磊愧我浮生
那得閒又陳省詩古刹隱山隈奇境四周束上迥翠微亭前
望滄海曲水樂有真聲品池若鼎足羅漢施食來佛祖香爐
馥歸雲出半月獅子峰頭伏右有曾公巖考槃借石屋佳勝
環若茲豈但隔塵俗昨遊今復來頻頻不知數殿宇一簣虧

冥契盖有屬空翠澹深林飛禽囀空谷晴光引杖藜海氣潤
初服悠然滌煩襟何以勞僕僕有美吾宗彦挾策此中讀我
來緣耽寂欣接芝蘭簇願言各努力靈峰發軔傲明高棟龍
龕詩火雲炎氛橫太清客行愁作升天行仄聞龍龕有絕境
清涼可以清心情招邀結佩賢豪客採秀探奇入靈宅徑轉
香雲靜影空溪回定水驚湍寂登高壯觀大海東扶桑樹色
搖空濛蓬萊一勺幾清淺萬劫此地開禪宮翫况興轉逸飛
身凌紫煙上攀香爐最高頂下聞水樂明三天三天諸品同
清淨兀坐安禪了真性蛟龍破壁動心魂應是故人昔題詠
故人于今在玉堂雄詞逸翰生輝光舊遊幾地空陳迹別夢
三時繞故鄉而我辭山笑遲暮暫息塵機得玄度支公不遇
且啣杯大醉題詩下山去高繼文詩別見國朝知縣衛良佐
三遊靈峰寺詩江田來往熟復此上靈峰老衲先期迓英流
挈伴從凌霄千丈石夾路兩行松野谷傳幽響烟巒集衆容
過橋瞻古寺卓午想晨鐘待我焚香久聞禪綰綬慵座閒翻
貝葉墻外湧芙蓉小憩茶初啜高登興頗濃直窮行未到真
覺夢難逢偈仄新開徑盤回自挂筇有蕉能覆鹿是洞可藏
龍絕頂平堪坐遙情夙所鍾海明全入望槎泛正無庸氣象

長樂縣志

卷之一

三

乾坤合光華日月鎔蓬壺誰作舍川瀆盡朝宗懷以遊僊暢
忱因禮佛恭轉身粘一飯布席廠三重品物蔬兼笋辛勤圃
與農田青門左右畦綠歲秋冬水落通泉竹籠懸釀蜜蜂卽
斯同道俗况乃豁心胸最好淹留處紅輪已下春知縣戴永
樸別有和詩○靈峰
迎旭爲十二景之一

巾石山在十九都旁有五鯉石其麓曰豸山以石形如豸也中
間有石門可憇百人下有石如船俗名石船又有一石刻陳
令津字於其上又迤西爲蓮花疊石如齒齒初開

鳳凰山在靈峰山西形如鳳皇

御國山在二十都其山蹲海高出雲表有捍衛中國之勢故名
夷舶入貢者必視此山爲準明洪武五年駙馬汪原過此勒

雲山天海四字於石萬歷三十年里人鄭建中勒日角雲根四字于其巔俗呼牛角山是也

御國歸帆為十二景之一

老翁山在二十都小社高峙東北山皮全石狀如老翁曝背故名

鼎山在二十都小社圓秀如鼎故名

明林正亨詩別見

西春山在二十都山前尖秀聳特遠近無比

後竹山在二十都崔嵬天際北與御國南與旂山並峙障海

旂山在二十都松下亦東蹲海與御國山並峙其麓為寶鵲山

右有大石方圍三十餘丈中疊兩石大如譙樓上覆一大石

長樂縣志

卷之一

山

名曰疊石巖憑虛高聳穹窿駭目

陳省旂山詩雲開千里息烽烟登眺悠然意欲仙風

浪靜時霄漢遠滄瀛盡處水天連魚鹽地足陶朱利牛女津通博望船不待秋來鱸可羨日烹海上鱖魚鮮

鐘門山在二十都海中昔有僧自廣南載鐘泛海而還舟沒沉

鐘於此山下故名海門中亦有小巖卓立如鐘

越王山在二十一都其山高聳周圍三十里或云越王勾踐七

世孫無疆與楚戰不利諸族子弟散處南海此其一也

萬壽山在二十一都有石高三丈餘舊勒天子萬壽字因名

靈山在二十一都下有靈山寺

明關清令彭次雲詩景屬仙瀛第幾洲清虛亭宇四時秋閒尋

花藥蹊邊去疑在塵埃境外遊山北平湖澄月影樓東滄海駕鼉頭老僧禪定吟還齋我為公忙亦暫留

冠嶽山在二十一都平洋突起聳秀冠於諸峰有巨石高數丈
宋尙書張鎮勒龍首二字係都之官山上皆義冢

籌巖山在方安里層巒聳拔高出雲表如籌故名上有巨石下

有石室名德成巖左接鼇峰右有龍峰中巖介石新巖出雲

諸勝

明王恭籌峰歌海上羣峰一峰別羣山向下如邱垤雲開華頂見琉球天盡滄波帶吳越元氣鴻濛濕不飛涼

霜五月襲人衣迥臨飛鳥空青外始識籌峰天下稀石林陰洞何冥密萬籟秋聲散秋色南澗飛泉鶴夢清太陰積雨龍粦白我聞伸蒙子雲卧清暉裏一旦金馬門名高此山水憶昨伸蒙罵賊時悠悠往事亦堪悲支離一代忠臣義感激千秋達士知郎官作縣先名節獨訪遺蹤甲前烈載酒惟澆石上苔回鞭不醉山中月東山歌酒蘭亭筆疎散當年竟何益願君遺愛比桐鄉功名紀在籌巖石○籌峰積雪為十二景之一

長樂縣志

卷之一

鴈山在大宏里形如飛鴈上有御風臺

明陳鈺雁峰詩平地三峰起凌虛一氣齊雲開

星斗近島外海天低秀色連孤嶂清暉落大堤嶺分磐石比水繞太常西喬木森森出寒猿故故啼興來乘白鶴吟罷駐青藜風物今猶盛才名昔屢題郎官公暇日雙鳥上雲梯

鴻山在大宏里鴈山與鴻山南北對峙鴻山較大內有二小石

圓淨儼如飛鴻顧卵之狀

蟹山在大宏里西湖中形如蟹

六奇山在大宏里文石江之上有六山馬水龍灣虎潭都官渡

搢笏石六奇故名

爐峰山在二十三都嘗出雲若爐烟因名

周山在二十三都有飛鳳落洋之狀

莆盛山在二十三都后山之北怪石鱗疊外濱汪洋大海關通縣之風水為省會之障衛里人陳亦人勒海岬天際四大字於其上更有一石高聳卓立海濱其狀似人遠觀近視無不逼肖因名石人

碁山在二十四都上有石臺廣平可坐相傳昔有二仙枰碁故名

宋知縣董淵詩別見○國朝里人董紹安詩碁峰聳峙勢崢嶸俯瞰江濤入眼清天際紅光浮錦嶼山間紫氣繞梅城仙盤曾托仙人跡梵刹時聞梵唄聲名勝由來傳此地好將佳景擬蓬瀛

峰

長樂縣志

卷之一

三

鼇峰在縣南為邑案山形勢昂伏森列六平芝山前其形若鼇鼇鼻峰在四都眾峰皆低此峰獨高聳若巨鼇鼻然

秀峰在四都舊有寺陳省詩別見鮑承議秀峰寺詩平田千頃綠秧稠水遶山阿出澗流門掩落花春事

晚畫簷時聽鳥聲幽

西峰在六都原有西峰寺後圯明崇禎十一年重建故名新峰

寺明邑人林嗣復西峰寺詩參遍曹溪眾所欽玄堂虛寂砌虫吟定回瞑目難相顧好鳥啣花下翠林

豸峰在八都原有石如豸角明損於雷斧去三分之一今存者

如帽互見屏山

金盆峰在十都石形如盆上有水又名天池

董峰在十一都為一方巨鎮俯瞰大海其巔巋然內有龍井相傳有人見潭口水聲洋洋疊石記之厥明再往則石與潭俱不可復覩矣

陳省詩別見

蓮花峰在十二都團石如蓮花瓣陳戶曹郎中林勣居其下有衡山僧至此鉢中起五色雲祥現天王宮額曰竹林禪寺僧以示勣勣欣然捨宅為寺至今寺以勣為檀樾主

石人峰在十二都山石皆黑一石獨白儼若人立旁有石壁宋

蘇舜欽題記其上

里人陳省詩別見

鸛峰在十四都有一石窟貯水不竭鴉嘗來浴又曰鴉池

長樂縣志

卷之一 峰

三

龍角峰在十四都形如龍角之聳宋左司郎中張翀勒龍角峰

三字於石

邑人王恭詩六龍頭角屹中天鼇極翻疑出海邊領下探珠無俗客毫端題句有名賢春來雨灑溪

流急秋去雲開石洞連為愛臨川遺筆在剡苔細辨不知年

國朝進士黃典標八景曰

龍角崢嶸曰石門積翠曰洞天仰止曰巖際觀瀾曰真人試

劍曰絕頂仙杵曰孤松出岫曰仙履留踪

詩別見○龍角含烟為十二景之一

文筆峰在十六都尖圓如筆

魁嶺峰在十六都上有巨石昔鄉人登第勒魁嶺二字

雙髻峰在十六都巔有二石並立如了髻

鼇頂峰在十七都卓塘頭上有巨石昔人勒鼇頂峰龍首石六

字

龍翔峰在十七都宋周寺簿勒龍翔峰豹變巖六字於石

香爐峰在十九都靈峰寺前雲霧嘗興若香烟

太常峰在二十一都左接壽巖右連首石高出諸峰故尊其名

曰太常

宋知縣董淵詩勢凌壽谷接蒼蒼十二蛟龍繡作裳
虎豹關中千樹色鳳凰池上萬花香白雲路隔青雲
暮金澗泉通玉澗涼聖代君
臣忻際會安知磐石鎮無疆

金峰在大宏里勢若金星之拱

嶺

吳宰嶺在二都龍門後湧宋知縣吳節家其下故名道圮乾隆

長樂縣志

卷之一

嶺

三

丙子重脩

瀉水嶺在三都旁有巖高數丈澗水飛瀑明知縣潘府立清泉

亭

石尤嶺在五都界連福清

鶴嶺在十三都離縣治二里許為北鄉一帶咽喉嶺中有石碣

昔人勒魁龍二字

風門嶺下達十三都上通方安里風籟之聲不絕故名

孝義嶺在十三都自柯林山逶迤而下嶺以東為十四都昔孝

婦杜媪葬此因名杜母嶺宋嘉祐中邑令王企改稱孝義嶺

半嶺在十五都

藍田嶺在十六都

華嶺在十六都

魁嶺在十七都以象山之魁故名

卓嶺在十七都有卓氏世居其下故名上有報恩寺漢壽亭侯

鄂國公祠

登賢嶺在十七都

榕嶺在十七都宋嘉祐中里人夾道植榕故名即沙嶺

從龍嶺在二十一都北通大宏里

長樂縣志

卷之一 嶺

无

古爛嶺在二十一都即靈山嶺

橫嶺在二十一都

浮崎嶺在方安里有三十六灣接閩縣界上有閩長交界碑

堤麻嶺在方安里

潭頭嶺在大宏里菊潭山

碧嶺在大宏里

鐘嶺在二十三都與后山相連高聳豐富前人陳文龍陳瓚林

宋林以寧姚能舉方子安咸發跡其下

香爐嶺在二十三都皇恩寺東

巖

雙壁巖在五都泉源里雙石對立如壁故名

七星巖在六都東嵐上旁有月窟山亭

福興巖在八都

奎星巖在十都南有大石三疊名磊巖旁有香爐石

時思巖在十四都有洞初僅容人倒入門內廣潤空洞倭亂附

近避入寇不能害明里中州判黃公建亭勒時思二字於石

圓通巖在十四都龍角峰有大石鐫佛窟二字

品石巖在十四都鴻山萬石磔積狀如品字故名旁有洞欹側

長樂縣志

卷之一 巖

三

不可入時發火光相傳倭變時陰護鄉民又呼鴻山洞里人

陳師倡建標十景曰前天門曰篆雲峽曰漸鴻磐曰參天筆

曰承露石曰卧仙榻曰賽月磧曰蹲兔窟曰後天門曰漱石

泉 別有詩

桂峰巖在十六都康熙初闢乾隆丁巳年重建祀先賢歐陽仇

豹變巖在十七都龍翔峰中有巨石可坐數十人昔周芹讀書

於此後登第故名

摩頂巖在十九都靈峰山宋朱文公與陳叔友講學其中叔友

子公榮甫八歲侍側公見頭角崢嶸摩其頂曰此子他日當

為朝家出力景炎中公榮倡義勤王率子宗傳姪老成一時

盡節因名摩頂

宋文公摩頂巖講學夜話詩吾道艱難日山房夢寐清暗泉堦下響紅葉望中明歲月忘

遷謫朝廷苦甲兵同君幽討罷嘆息夜深生陳叔友詩海國瀾翻日舉比信宿年得依深夜話如讀未聞篇賦役傷閭左兵荒苦石田近聞徵召至一奏未央前

清公巖在二十都

西石巖在二十一都越王山之北創寺元初燬於調遷 國朝

乾隆四年重建內有浴光池廣半畝大旱不涸

邑人林洪西石巖道宮詩

西巖突兀與天齊飛構百尺依虹霓石門擘斷半山翠蘿磴上接層雲梯碧桃花明玉臺曉日影澄湖起雙鳥烟墟幾簇春樹繁海門一髮晴峰小嗟嗟浮世良可哀幾年臺館成荒苔臨風把酒發清嘯疑有雲中笙鶴來林恕西石巖九老圖

長樂縣志

卷之一

巖

三

詩西石巖千仞幽舍萬象并泉從銀漢落石傍紫霞生諸老神仙侶前身洛社英乾坤留勝覽湖海豁閑情白髮尋行樂紅塵謝俗紫煙霞三島迴風月九霄清吟弄詩盈帙流連酒蒲觥東山攜短屐南極萃長精松下琴三疊花閒鳥數聲春愁消碧澗秋興動滄溟洗耳冰壺冷澄心石鏡明庭虛無客到洞暖有芝榮玩易臨流坐看山倚杖行意隨魚鳥靜身共水雲輕採藥猿相引濯纓鷗不驚放懷天地窄鼓腹泰階平世慮忘耕鑿生涯儘醉醒謾尋茅岫訣已作葛天氓小子慚迂拙高風仰老成鹿門懷舊隱蝸角愧浮名身世邯鄲枕韶華逆旅程願辭霄漢路歸受圮橋盟又西石巖詩當年誰此劇崔嵬鑿透雲根碧玉堆蘭若個中開幻界藤蘿深處隱蓬萊窻虛有月來晴嶂花落無風點綠苔夢醒神怡春晝永林陰滿院鶴歸來

德成巖即德成精舍在方安里壽峰山唐水部郎中林慎思讀

書於石室後人構堂祀之宋朱文公以林慎思德成於此故

名明興化同知管溫祖記長樂德成之巖唐仲蒙林先生讀書故地也元統乙亥七月邑宰廬阜明源曹公濶濶臺率其雲初建精舍以奉時祀仍請于有司為立書院予嘗奉省憲檄抵其邑公以記為請且惠仲蒙續孟二書觀其人雖去千載英風勁氣猶一日也先生之志端欲繼洙泗之後先生之時不幸在濂洛之前故其書自成一家亦孟氏之徒也宋歐陽文忠公掇拾遺編屢載史館先生之雄文實可傳矣唐咸通閒嘗擢進士再中宏詞長樂登第自先生始官至尚書水部郎中知萬年縣時黃巢陷長安逼以偽祿不屈而死服孟氏舍生取義之說先生之大節尤可取焉昔先生自序其書以楊子雲自况觀仲蒙續孟猶太玄擬易也然子雲甘仕莽朝貽笑後世視先生之仗節死義不污於賊過子雲遠矣宜乎翼翼新宮濟濟籩豆春秋禋祀當與天地相為無窮也先生諱慎思字虔中仲蒙子其自號云予又嘉曹公有好賢樂善之心寓化民成俗之意故喜而為之書并繫以辭曰先生之文首奮閩粵先生之心上薄日月白可蹈志不可奪儼乎道象猶想忠烈籌山德成裡祀豐潔俾後文人景慕前哲王恭精舍詩春風扶醉上巖阿磐石蒼蒼覆綠蘿野服不

長樂縣志

卷之一

教山鳥怪僊遊偏愛白雲過罵巢事往人何在續孟書存世未磨惆悵空堂翠微裏斷猿啼起夕陽多林恕詩千疊羣峰一草亭長留猿鶴守柴扃天空遠見孤帆影谷靜惟聞萬籟聲山屐破苔花雨霽野橋流月水雲輕道人怪我青袍濕疑是龍靈來聽經

建 龍峰巖在方安里澤里山明崇禎閒建寺○國朝雍正乙卯重

於其上即龍峰書院也朱文公寓此二劉師事之大書讀書處三字勒於石後祀朱子及二劉明洪武閒大璫三寶修葺因名三寶巖知縣潘府扁其堂曰海天山月隆慶閒知縣蔣

以忠謁祠以三寶名不雅馴易為晦翁巖

知縣蔣以忠記長樂之北有龍峰去

縣治十里許峰轉西有巖岑崿幽致嶄然出雲漢之表至其麓巨石峭為門折而入峻壁危崖松岬蘿磴突兀左右儼然天設西賓太常諸峰南鑑雙湖東極滄溟之際無遺矚蓋一邑之偉觀云里先輩劉砥者與其弟礪當宋乾道閒嘗築室讀書其上屬晦翁朱子南遊至邑二君從講學留斯巖最久其後縉紳君子並起而張之以翁過化地昭昭在聽觀引首咸肅然欽也獨巖勝已哉隆慶壬申八月余政暇一往登臨乃里人輒喚三寶巖余問故咸謂斯亭也始內官三寶者創故名嗜有是哉龍峰以巖著巖賴晦翁始顯也名巖顧掩翁乃崇一內侍其胡以訓亟命易題為晦翁巖且申令于里人毋或仍故喚作斯巖羞或曰翁名在天下巖寓跡也翁名鐫此可乎余則聞之古君子達觀昭曠之外神理所解與象俱流即千百世後望之可興起今去晦翁未論幾何年登斯巖也覩靈境之獨殊覺羣喧之就寂想夫闡洙泗而集儒成不覺為之喟然興懷至于海天寥廓山月孤高又想夫天光雲影源頭活水之趣景不覺為之灑然超塵慮也意翁之風旨

長樂縣志

卷之一

巖

三

或寓於斯其猶可神會也即蘇子謂海外有形語之國口不言而相喻以形巖形用也慕翁者能以巖喻其真有所得矣信翁之名當與巖並傳之無窮也又訪翁在巖時曾作讀書處三大字勒于巖今隱隱滅矣乃鄭司寇環浦復補書之余為琢石刻諸門內以見朱子之所留而又以明此山非黃冠緇流之所得有也是為記邑人鄭世威歌吾聞昆侖統元氣磅礴淳腴時閒值人參其閒為三才浩然之氣一而已君不見武夷之山高插天九曲下注劍潭萬仞淵扶輿綺靡多奇怪潭有飛龍山有僊劍潭一瀉倏千里滙入馬江波濤湧天起武夷轟轟無數峰奔迸東來作南紀卓哉千載紫陽翁避地吳航振奇蹤四子依歸杏林雨三春歌詠舞雩風指南夷猶倡絕學海邦翁爾宗濂洛參天一氣薄星辰應地無疆奠河岳龍峰高兮天尺五讀書處兮墨蹟卓今古當年大道炤容光遮莫輕陰翳層宇雖然消息盈虛任去留浩然之氣直與造物游駕言從之道伊邇請君濯足登高邱陳亮三寶巖詩洞門壁立與雲平此日登臨萬古情野鳥向人如有意山花隨雨落無聲仙壇草沒春光晚客枕鐘殘曉夢清此地由來可招隱欲從林下解塵纓馬鐸詩三寶巖前宿瘴開滄浪

日色炤崔嵬天香半襲瑤池草花影全侵石徑苔龍起黑潭
千嶂合鳳鳴陽德九霄來灑灑隨鸞舉頭自覺蓬萊近蒲眼
文星接上台鄭憲詩仙旌九日訪層巖巖上黃花散晚妍雲
倦松風迴石洞霞明島日麗江天秋來宋玉偏能賦老去楊
雄獨草玄幽賞久乖纓弁後碧山回首憶他年郡人鄭善夫
龍峰書院詩石門袍被雲濕衣流水聒耳無是非海潮夜雨
梅花戍起看扶桑朝日暉其二籌峰西下楓林西巖閣千盤
半翠微雲蹤不見朱夫子尸祝能談劉布衣邑人陳漢卿歌
諸峰如龍來半天西巖正倚龍峰巔凭欄試望日東出蓬萊
弱水疑登仙石門塹絕三千丈磴路縈紆九天上赤松黃石
知我來澗水松花熟成釀二劉文采天下稀源遡濂洛俱精
微景星鳳凰不再覩太華一覽羣山卑老夫十年厭湖海憶
昔故山樵可採山中朋舊許賦歸眼底雲松青未改鄭憲歌
昔聞天姥賦心賞獨悠哉石扇千尋起風濤萬里來燕山協
靈勝梯石劃深迴徑俯寒條聳巖承古壁頽暗泉雲際落沓
障海邊開仙吏乘休暇停車問草萊九秋標令節百里席雄
才坐愜滄洲趣黃花送晚盃知縣潘府讀書處箴太極初判
道具兩儀聖人既出斯道是依六經四書實道鎡基歷千百

長樂縣志

卷之一

長

三

載聖遠言微考亭傳解乃為階梯惟學須靜爰擇所居海天
朝霽山月夜虛清遠是尙華飾靡施招揭于扁以啓昏迷凡
爾後學藏脩于斯雞鳴盥漱衣冠整齊焚香端坐已心嚴師
朗誦惟熟時習夜思交游必正講論切劘或今或古孰是孰
非直指闡奧毋窺藩籬細咀髓腴毋竊糠粃九仞莫棄一簣
莫虧讀書何為聖賢是希勿為酒困勿為棋癡勿耽于色勿
惰于嬉老大徒悲時去莫追仰茲刻石勗之勗之邑人高棟
讀書處歌巖下春色深客心自茲曠玩奇不知遙青山鬱相
向溪聲送行衣空翠引閒杖洞門倚天開苔徑綠雲上松際
真境豁石林爭異狀稍知僊趣深孰謂此身妄東厓極眺聽
晚色分遙望雙鏡落澄湖孤帆入溟漲蕭然微雨來爽氣橫
疊嶂笑揮紫霞杯醉和白雲唱茲賞吾道存良遊保閑放願
割區中綠煙霞許相傍教諭袁文紹詩誰挿玉芙蓉翠重連
溟渤眺茲龍峰巖直徹蒼崖骨天風海濤中颯颯響林樾紫
氣護丹梯結就三賢窟高賢此讀書窮經恒兀兀兀兀坐竟無
言雲榻侵寒月我懷滄洲翁遺音久不沒緣以薦蘋來祠宇
高且揭上下幾百秋精靈猶恍惚宛在考亭溪梓里時瞻謁
石磴恣徜徉掃苔尋舊碣把酒矢豪吟興隨涼籟發吾道信

在斯今古任悠悠文章開萬世俎豆耀千秋雲谷燈相續龍巖墨尚留薜蘿依樹遶江海接天流今古風濤變滄洲道脉悠邑人陳國樞詩別見

中巖在德成龍峰二巖之間後有石洞可容數人最高有石壁峭立壁間有兩巨人頭目鬚眉宛然俗呼爲石大王壁後有大石洞可容數十人明嘉靖倭變時里人多匿其中洞外石有如魚者如獸者如龍者進士劉沂春孝廉施鏡光劉大亨嘗讀書於此

介石巖在方安里龍峰巖之南卽錦鯉書室也巖後有石壁濶十數丈高數丈狀如鯉前有巨石高數丈周圍約三十餘丈

長樂縣志

卷之一

巖

五

其上平坦有數小石位置天然可坐數十人故名介石道士林友海棲其內墾田自給逶迤而上夾路梅竹約二里許有

新巖祀朱子旁有一片瓦容四筵

里人姜文春倡闢

出雲巖在方安里德成巖之南龍峰巖之北聳拔軒翥每降雨

時雲必出焉故名

順治庚寅里人劉沂春構屋二座屏居於此大碑上勒出雲巖三字址存

隱豹巖在二十三都後山初係虎洞有石門屈曲而入內平曠可設四筵里人林榮陳亦人共勒石焉

石

中丞石在十都昔有爲中丞者未遇時過此誓曰不爲中丞不

過此後果然故名更有獅子石雲梯石珠石仙桃石出米石
品石朝暘石烏石五星石仲仙石龍首石俱在五峰山之麓
止潮石在十一都嶼頭之東其石能禦鹹潮里人鑿開其中有
天成止潮石三字今石不存

王母礁與雲母礁在十九都二礁對峙海中宋季楊妃偕弟亮
節負益王廣王航海經此後人思之因呼為王母礁旁有二

石聳立如帆檣人呼為雙帆石

陳省詩海中有二礁隱隱雙
柱峙王母與雲母呼名良有

以海汐可坦行潮來四臨水可咏兼葭坻亦稱中流砥子自
社頭回因上雲母視亂石相縱橫芒鞋慎步履傍有掛蓬石
可以睨千里攀援陟山巔四顧蒼茫裏野草襍飄葉堆地紛
相委下來立水涯拍岸波浪起珍錯貽石端蘊藻浮山趾坐

長樂縣志

卷之一

美

看習海童取歸充釜錡恨無竹裏厨烹此諸佳旨清泉冽巖
壑餐之令渴止安得隱此中神接安期子何如北海人惟有
薇為美

燕石在二十一都天漢山屹然獨立高三丈餘大數十圍其形
如燕故名石下有洞可坐數十人

鸛石在二十三都爐峰山中羣石嶙峋層疊一大石覆其上高
三丈餘大百餘圍有窩如鼎鸛嘗棲止其閒因名

飛來石在二十三都爐峰山有巨石又一石疊其上相傳以為
飛來者宋里人陳文龍勒碑於其旁題曰元台

重石在二十三都平田中突生二大石相承高二丈餘因名

越王禁石在大宏里文石海中十餘丈產紫菜味珍閩王王審知採以供貢禁民私取故名禁石

洞

白鹿洞在縣西金雞山石形如鹿故名

桃源洞在五都石勒桃源洞口四字一在九都

雲梯洞在十都雲梯峰

雲洞在十三都翠微峰下右有瀑布泉

邑人蔣奕芳詩白雲古道繞高峰翠色山前已

數重杖屨獨行隨去住袈裟相見且從容巖飛曉瀑千層雪樹吼秋風萬壑鐘欲訪將軍棲隱跡留題多被紫苔封其二香巖窈窕俯千峰虛洞時聞下界鐘風磴晝晴藏虎豹雷秋春雨挾蛟龍崖雲覆草青遙斷村樹環江翠幾重對此杳然

長樂縣志

卷之一

三

忘世慮擬隨飛錫未能從

歸雲洞在十九都靈峰寺西

邑人梁澄漪詩天作靈峰十二奇此中風景最相宜龍歸猶帶雲來

濕獅伏頻瞻月上遲禁約難疏陶令酒推敲誰辨賈僧詩班荆久坐情何逸風落巖花了不知

宏源洞在二十一都

桃花洞在二十三都皇恩寺東

明林洪詩別見

江

馬江自閩縣至邑界江面漸濶至海波濤益迅時為行舟患宜

禁夜渡

明王鼎潮候圖序弘治癸亥余讀禮家食長樂之父老趙宗潔輩十數人踵門請曰吾邑令長王侯為善

政以活我民廟有紀述使將來為令者得以舉侯之政焉余進而訊之乃曰吾邑吳航一一百二十里抵郡城舟工率夜

乘潮以往晝則事事夜復乘潮而歸自昔及今一皆如此由是遭盜劫者歲不止五六見遇颶風而覆溺者亦往往有之去冬十月被賊死者一十六人今年正月大風覆舟死者無慮百人羣屍蔽江見者寒膽我侯聞之為之食不下咽者累日日吾為民父母不能善政以庇我民民之遇害由我害之也民之遭溺由我溺之也于是懸重賞募舟覓死者屍有主者付之無主者官為葬瘞悉召邑之舵工至庭申諭之曰爾趨小利每貽大毒使行舟以晝遇寇則知所避遭風濤則操縱在我自今伊始舟毋夜行迷執不回刑不汝貸舵工叩謝咸相率趨令侯仍刊潮侯圖揭諸遠近使人知行舟時刻是以數月之間無復前患今侯臺司交薦登擢有時後之為政者或不知此則此令自侯而行亦自侯而止向者之患恐復見於他日焉我輩將請於侯刊潮侯圖於渡亭之石敢丐一言用敘厥由脫後來者能舉侯之政是侯雖去侯之令固在也予聞昔錢塘潮勢洶急舟多覆溺時蘇長公守杭為刻潮信圖于浙江亭故後人知其所避王侯之心其蘇公之心歟夫為政者與其救患於已然不若防患於未然與其於人人而濟之又不如使斯人之能自濟也侯之此舉可謂防未然

長樂縣志

卷之一 江

三

之患而使斯人能自濟矣然不忍之心人皆有之擴而行之則存乎其人又烏知將來者弗克舉侯之令哉又奚以予言為哉眾曰然遂書以為序陳奎輝詩參差柳色東風起一葉飄飄烟霧底上下洪洞兩峽開洶洶吞吐江河裏有時破浪能使風又見乘潮隨風使二馬奔廻似百鈞五峰嘯嘯嗑千巖茫然極目窮島夷應咲生平河伯喜旗鼓齊鳴各幟分星辰突兀中流砥一帆數過幾千山一息俄吹百二里只見蒼蒼入眼忙欲窮山水曷能紀興酣落筆和情歌唱罷情歌吾止筆

磁灣江在十五都孤山生海中分東西南北四灣舟常泊於此

灣係仙岐
柯姓糧業

仙岐江起十七都鵬程止漳港江牛路

漳港江在十五都仙岐江牛路起至溜口止

雍正八年十二月
立有石碑在於鼓

樓內西畔與壺井灣有溜港隔斷界自分明溜以東屬漳港溜以西屬壺井遵大府判斷各管各地永杜爭端

壺井江在十八都突江中居人漸遠成市

壺江泛月為十二景之一

松下江在二十都東通大海西通福清縣城南廣北浙客船往

來必泊之區

陳省觀海記昔孟子與謂觀於海者難為水不佞生長海濱少小誦讀不出庭戶海無由至焉

壯而遊四方三江七澤二淮九河嘗履涉之所謂蒼莽溟渤之區未嘗覩也今林居矣將耄矣夢寐思之未已也邇年倭警頻報斥堠靡定海濱苦之邑父老言海東有大社小社松下諸巡司其景最勝高皇帝沿海設衛所佐以巡司完守禦之策欲其禦倭於海不使登岸諸處皆要地也思一至焉且因以觀千溪萬壑之所歸以畢此生之願於是以前萬曆辛丑十月二日倩荀輿由三溪歷江田南社頭適海潮初長銀浪雪山澎湃洶湧如白馬萬匹驅馳而至又若素裳白舄之士聯絡奔趨疾風勁濤蒼碧凌亂此以潮進所見之海也亦奇觀也由社頭憩林家祠作午趨大社見民背海而居水落堤

長樂縣志

卷之一

工

堯

露魚鳧縱橫往來小艇若天上之飛隼繫維巨艦若壑中之游龍水波雲物民家烟火網緼交錯漁翁釣叟聚觀答問始識所謂跋扈之喻此以潮平所見之海又一奇也望松下尚廿里許僕夫難之予氣益銳晡而後至則見風平浪靜一碧萬頃浴日浸天極目無際其閃鑠旋盪若鎔金之在冶其光明瑩耀若巨鑑之當臺其皓皓皚皚若平披大練於廣原平疇之面此之所見則不以潮之進退為加損之海也均之一海以余所見一日之景蓋三變焉可謂盡海之觀皆平生入目所未有者真可樂也抑又思之生在太平之世幸優游以遂遨遊之樂亦安能忘國家之憂巡司斥堠之嚴烽火之謹蓋為倭設欲禦之於海也小社司寨原結山頂今僅存空城耳松下寨在民居之左亦跨山而建差稱壯觀然弓兵雇直皆抽取以養營兵遊兵巡警無人官無所事事率寓邑屋而不至汎地時或一至或視官衙如傳舍或無官衙而僦民房以居顧比來警報頻至遠邇負戴爭徙矣士大夫不敢寧居圖遷矣禦於海豈宜有此無幸登岸其如之何無謂鼇山叟杞憂過計也議者謂小埕南日兩寨中間汎守所不及之小社大社松下一帶礁濤洶湧兵艦逡巡欲將兩寨糜食脆兵

不會行船者盡行汰去各減三號福船三隻添以標遊船四隻選募松下一帶慣海洋者自編隊伍分泊東路南顧松下門北顧王母洋隨風上下汛守防禦不使賊登岸賊聞土者精兵不似糜糧舊套自將破膽寒心不獨附近居民可以安枕卽樂南之江田隴下三溪坦村古縣及迤北之村落皆可眠食無慮矣此似藿食者之一得敬書之爲觀海記

文石江在大宏里

梅江在二十四都原有梅花千戶所今爲寨王我山標梅江八

景曰龍東旭日曰雞嶼晡霞曰斗壺遠舶曰碁隴羣樵曰浪

臺月影曰石鼓潮聲曰馬疇飛雪曰虎穴號風

詩別見○梅城弄笛爲十

二景之一

潭

長樂縣志

卷之一

旱

祥雲潭在縣東芝山

見古蹟

白龍潭近祥雲潭

並詳古蹟

龍潭在天龍井下宋里人太守潘斌勒龍潭獻疏所五字常爲

水所湮

石鼓潭在二十三都與大宏文石相對在大海中有潭丈餘水

獨淡鹹潮不混禱雨輒應

明崇禎八年邑令鄭尚友禱之采雨石鼓平坦可坐百人其石空洞

投小石鏗鞳之聲如大鼓故名

井

楊井在縣西隅二十餘步泉清冽不竭

衙裏井在縣西隅三十餘步

義井在射圃中明隆慶三年知縣蔣以忠嘗建亭覆其上

一瓢井在二都開於宋元豐二年己未深四丈旁有穴長取不竭龍門酒最名釀以此泉也

雙福井在四都塘前大路乾隆二十三年里人陳天柱鑿之得二福錢故名

鼇頭井在七都坦村風臺旁井底有鼇頭石其鼻二孔出泉供千餘家大旱不竭

龍井在十都龍泉院下唐大中間見二龍於井中故名

長樂縣志

卷之一 井

望

運司井在十都魁龍山下官廳後泉極清冽分汲不竭宋朱運司慶造

仙源井舊名霖井在十二都

里人林興祖記之

其泉清冽歲旱不竭潤

田百畝

仙井在十四都泉出石罅清冽不竭井底有大礮其平如砥有足跡長尺餘深寸許濶五寸傳為仙人足跡故名

七星井在十五都漳港灣中凡七口

雙頭井在十七都仙山街其泉清冽大旱不竭

靈井在十九都天將雨卽漚沫渾濁故名為靈

巷柄井在二十都小社宋教授林堦濬

夏井在二十都松下城內鹹潮不涸一鄉共汲且資來往客船

達泉井在二十一都達泉書院西有泉自石出因名石壁鑄宋

名士姓名於其上

母夢井在大宏里

泉

太史泉在縣西半里明洪武中大史周位嘗與客來飲因刻太

史

新泉在城隍廟下溪旁昔無今有可汲百家

長樂縣志

卷之一 泉

里

義泉在縣東二里宋元祐間縣令袁正規鑿此以飲行人故名

汲古泉在八都清冽不竭

甘泉在三溪舊甘泉寺側

瀑布泉在十二都竹林寺溪會亭上其泉自巖而下望之若銀

河瀉落一在十三都 詳見 鶴山

通泉在十六都小劉橋南溝中大旱不竭潤田數十畝

蜜泉在十八都東山海旁有二處潮至則淹潮退則泉湧出其

味如蜜故名

灣

洽嶼灣在十一都

仙岐灣漳港灣俱在十五都

門口灣黃岐灣在十七都

壺井灣在十八都

漳坂灣在十九都

大社灣松下灣小社壠下灣俱在二十都

文石灣在大宏里

後山灣在二十三都

梅花灣在二十四都

長樂縣志

卷之一 灣

三

潮汐

江潮自閩縣下洞口而入通縣境諸港

陳省記
載藝文